

Meeqqat inatsiseqartitaanerannik Kalaallit Nunaanni inatsisip aamma kingornussisarnermik Kalaallit Nunaanni inatsisip allangortinneqarnerat pillugu inatsit

(Meeqqat inatsiseqartitaanerannik Kalaallit Nunaanni inatsisip il.il. atuutilersinneqarnera sioqqullugu meeqqanut aappariinnerup avataatigut inunngorsimasunut ataataassutsimik aalajangersaasarneq)

UAGUT MARGRETHE AAPPAAT, Guutip saammaanneragut Danmarkip Dronningia, nalunaarpugut:

Inatsit una Folketingip akuersissutigimmagu Uagullu Akuersinitsigut atuutilersikkatsigu:

§ 1

Meeqqat inatsiseqartitaanerannik Kalaallit Nunaanni inatsimmi nr. 197-imi, 16. juni 1962-imeersumi makku allanguutigitinneqassapput:

1. § 5, imm. 3 imaattunik oqaasertaqassaaq:

”Imm. 3. Kalaallit Nunaanni eqqartuussisarneq pillugu inatsimmi § 278, imm. 4-mi piumasaaqatit eqqortinneqarsimappata suliaq imm. 2-mi piffissaliussat naanerisa kingornatigut suliaassanngortinneqassasoq Kalaallit Nunaanni Eqqartuussisuuneqarfimmi eqqartuussisuunerup akuersissutigisinnaavaa.”

2. § 6, imm. 2 atorunnaarsinneqarpoq.

3. § 10, imm. 2-mi ”Pisortat qullersaasut” ”Naalagaffiup Sinnisua”-nik taarserneqassaaq.

4. § 23-p kingornatigut una ikkunneqassaaq:

”§ **23 a.** Meeraq Kitaani 1. juni 1963 imaluunniit Avannaani Tunumiluuniit 1. juli 1974 sioqqullugu inunngorsimasooq § 26 apeqqutaatinnagu ataataassarsiuussinermik

suliassanngortitsisinnaavoq. Meeraq ataatassarsiuunneqartoq meeqqat inatsiseqartitaanerannik Kalaallit Nunaanni inatsimmi nr. 197-imi, 16. juni 1972-imeersumi § 6, imm. 2 tunngavigalugu angummik ataasimik angutinilluunniit arlalinnik meeqqamat akilersuutininik akilersuissaatitsisoqarneranik aalajangiivigineqarsimasoq Kalaallit Nunaanni eqqartuussisarneq pillugu inatsimmi § 278, imm. 1 apeqquaatinnagu ataatassarsiuussineq pillugu suliap suliatileqqinneqarnissaanik qinnuteqarsinnaavoq.

Imm. 2. Taamatuttaaq meeqqap kingorsassatut qimatai meeqqallu anaanaa anaanaasulluunniit kingornussassatut qimatai imm. 1-imi oqaaseqatigiit siulliit tunngavigalugit suliassanngortitsisinnaapput, imm. 1-imilu oqaaseqatigiit aappaat tunngavigalugit qinnuteqarsinnaallutik.

Imm. 3. Inatsimmi kapitali 1-imi meeqqanut appariinnerup avataatigut inunngorsimasunut ataatassarsiuussisarneq pillugu aalajangersakkat aamma Kalaallit Nunanni eqqartuussisarneq pillugu inatsimmi ataatassarsiuussinerit pillugit aalajangersakkat imm. 1 tunngavigalugu suliiani atorineqassapput, taamaattorli tak. imm. 4 aamma 5.

Imm. 4. Imm. 1-imi oqaaseqatigiit siulliit tunngavigalugit suliap sumiiffimmi meeqqap angerlarsimaffittut najugarisaani eqqartuussivikkut suliassanngortinneqassaaq. Meeraq Kalaallit Nunaanni angerlarsimaffittut najugaqanngippat suliap sumiiffimmi angutip meeqqamat ataamisut oqaatigisaata angerlarsimaffittut najugarisaani eqqartuussivikkut suliassanngortinneqassaaq, imaluunniit angut pineqartoq toqkukut qimagussimappat eqqartuussivikkut angutip kingornussassatut qimataasa suliarine-qarfiatigut. Imm. 1 aamma imm. 2 tunngavigalugu suliassanngortitsivissaqanngippat suliap Sermersuup Eqqartuussivianut suliassanngortinneqassaaq.

Imm. 5. Tamanna pisariaqarpat meeqqap imm. 1-imi oqaaseqaatigiit siulliit tunngavigalugit suliassanngortitsisup imaluunniit imm. 1-imi oqaaseqaatigiit aappat tunngavigalugit qinnutigisamik saqqummiussisup eqqartuussivimmi suliarinnitsitsinerani fuldmægtigimik ikiortissaanik eqqartuussivik toqqaasinnaavoq.

§ 2

Kingornussisarnermik Kalaallit Nunaanni inatsimmi, tak inatsit nr. 154, 27. maj 1964-imeersumi, makku allannguutigittinneqassapput:

1. § 4, imm. 2 atorunnaarsinneqarpoq.

2. § 36 atorunnaarsinneqarpoq.

§ 3

Inatsit manna 1. juni 2014-imi atuutilerpoq.

§ 4

Imm. 1. Kalaallit Nunaanni eqqartuussisarnermi inatsimmi § 278, imm. 1 apeqquaatinnagu angutip ataatsip arlariilluunniit meeqqamut akilersuutininik akilersuisussaataasutut isigineqarnerisigut Kalaallit Nunaanni meeqqat inatsiserqartitaanerit pillugu inatsimmi § 6, imm. 2-mi aalajangersagaq maannamut atuuttoq malillugu ataataassarsiunerup aalajangiiffigineqareerneratigut, ataataassarsiunerup suliarineqaqqilernissaanik meeraq qinnuteqaateqarsinnaavoq.

Imm. 2. Taamatuttaaq imm. 1 malillugu suliat meeqqamut qimataasumut tunngasut aamma meeqqap anaanaanut imaluunniit taassuma qimataaneranut tunngasut suliareqqinnissaat qinnuteqaatigineqarsinnaavoq.

Imm. 3. Meeqqat inatsiseqartitaanerit pillugu Kalaallit Nunaanni inatsimmi kapitali 1-imi meeqqanut aappariinnerup avataatigut inunngorsimasunut ataataassuseq pillugu aalajangersakkat aamma Kalaallit Nunaanni eqqartuussisarneq pillugu inatsimmi ataataasutsimik suliat pillugit aalajangersakkat imm. 1 malillugu taamaaqataanik atuutinneqassapput, taamaattorli takuuk imm. 4.

Imm. 4. Pisariaqarpat, meeqqamut imm. 1 malillugu qinnuteqaateqartumut eqqartuussinermi inatsisilerituumik ivertitsisoqarnissaa eqqartuussiviup qinnuteqaatigisinnaavaa.

§ 5

Ataataassutsip, inatsimmi matumani § 1, nr. 4-kkut imaluunniit § 4-kkut oqaasertalerneqartutut, tunngavigalugu aalajangersarneqarsimasup, piffissami ataataassarsiuussinerup aallartinnerata nalaani inaarlugit suliarineqarsimasut imaluunniit ataataassarsiuussinermik suliamik inaarlugi suliarineqarsimasumik suliarinneqqileqqusilluni qinnutigisap saqqummiunneqarnerata kingornusassatut qimatat suliareqqilerneqarnissaat tunngavissalersinnaanngilaa.

Amalienborgimi tunniunneqarpoq, ulloq 21. maj 2014

Kunngitut Atsiorpugut Naqissusiillutalu

MARGRETHE R.

/Manu Sareen